

Karadžin: Ostavku sam podnio jer više nisam imao snage ni novčanih sredstava za Jedinstvo



Na pismo bivše igralice i članice Skupštine OŽRK Jedinstvo pod naslovom "Ko je odgovoran za uništavanje OŽRK Jedinstvo", reagovao je jedan od "prozvanih", bivši predsjednik Skupštine kluba, Zvezdan Karadžin, čiji odgovor objavljujemo u cijelosti.



“Pošto je neko ukinuo moj status na postu OZRK Jedinstvo ponovicu ga ovdje:

- Tekst moje ostavke imate u klubu i kada ga pročitate dobićete odgovore na sva vaša pitanja.
- Ostavku sam podnio članovima Skupštine a predsjedniku Upravnog odbora samo uputio na znanje, u julu mjesecu ove godine.
- Razlog ostavke je da više nisam imao snage ni novčanih sredstava da se nosim sa tim. Naime nas par se godinama brinulo o Jedinstvu dok su drugi mudrovali, davali savjete i naravno nisu se ni na koji način htjeli uključiti iako su bili pozivani, počevši od bivših igračica pa nadalje. Tačno je da su dovedeni novi ljudi u Upravni odbor ali nisu obezbjedjivali ni izbliza dovoljno za funkcionisanje kluba i zbog toga smo Elmir Grabčanović i ja najvećim dijelom to morali sami obezbjedjivati, iako ja po funkciji to nisam bio dužan. Zbog postojećih i novo preuzetih obaveza (postavljen za Predsjednika Kantonalnog odbora Naše stranke Tuzla) nisam imao prostora da se bavim i Jedinstvom.
- Potrošio sam kredit kod svih svojih prijatelja i poznanika po pitanju obezbjeđenja finansijskih sredstava za Jedinstvo a i lična davanja su bila vrlo značajna, tako da sam i ostao u Jedinstvu ne bi bila velika korist od mene.
- Navod da sam koristio Jedinstvo u lične svrhe promocije je smiješna. Naime sjetićete se da je nas par brinulo o Jedinstvo i obezbjedjivalo sredstva za funkcionisanje kluba. Klub je u to vrijeme bio 3 godine zaredom najuspješniji sportski kolektiv u Tuzli i jedan od najuspješnijih u tuzlanskom kantonu, pa onda ne vidim šta je sporno ako sam to spominjao. Tačno je, dovodilo smo i Slobodnu Evropu ne bi li promovisali klub i privukli nove sponzore, šta je tu sporno?!
- Sponzore smo tražili svuda, naravno prvo u Tuzli, ali je odziv bio slab, ne bih da navodim razlog zbog čega i koja su im bila ograničenja. Zato smo nalazili sponzore u Brčkom, Kalesiji, Gračanici i uspjevali. Konkretno je na osnovu prijateljskih veza moj prijatelj iz Brčkog bio generalni sponzor a da nije nikad došao na utakmicu, jer ga sport uopšte ne interesuje, i to ga je zadovoljstvo koštalo 20.000 KM. Ti sponzori što prozivate iz Kalesije, dovedeni takođe putem prijateljskih veza, su obezbjedili značajna finansijska sredstva bez kojih bi teško funkcionisali te godine, kada smo bili ubjedljivo najbolji. Naravno tu je i gospodin Ahmed Srabović iz Gračanice koji je obezbjedio značajna finansijska sredstva, opet na prijateljski nagovor. Činjenice navedene u tekstu su dobro poznate svima onima koji su se imalo interesovali za Jedinstvo pa me čudi da to niste mogli i sami saznati. A poznate su vrlo dobro i uredniku ovog portala.
- Prosto, ja više nisam mogao da vršim tu funkciju i zato sam podnio neopozivu ostavku prije početka nove sezone.

Lijep pozdrav, Zvezdan Karadžin

Date: 18-12-2019